

Résumé

KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse ishaatlajnamu@gmail.com


SOMMAIRE

**Prières de la fin
du Ramadan** 02

**Foi sans faille
des musulmans** 03

**La bataille
d'Ouhoud : une
défaite?** 04

**Hamrah Al-Asad :
l'après Ouhoud** 05



Huzur (atba) dire ki 'la detresse' pas ziss veut dire ki ene dimoune li inquiet, mais c'est plutôt ki li conne ene solution. Donc, kan nous pe demande duah ek Allah, nu bisin faire li dans ene telle façon ki nous pena aucun lezotte place pou aller et c'est zis Allah même ki kapave aide nous. Huzur (atba) ine dire aussi ki ene de bannes signes de l'existence d'Allah c'est ki Li tende supplications de celui ki en détresse. Donc, li important ki nous bannes namaz vinne ene telle niveau kot nous pe supplier Allah So l'aide.

Ensuite Huzur (atba) ine cite extrait de Hazrat Massih Maoud (as) ki finne dire ki tant ki ene dimoune pas faire duah continuellement dans ene etat de détresse, so bannes duah pas pou accepter. Donc, sa l'etat de detresse la important pou ki kapave gagne acceptation de nous bannes dua.

Abou Mâlik Al-Achja'i rapporter ki kan kiken ti p embrasse l'Islam, le Saint Prophète (saw) ti p montrer couma pou fer namaz et ti p ordonner ki recite sa dua la :

اللَّهُمَّ اغْفِرْ لِي وَارْحَمْنِي وَاهْدِنِي وَعَافِنِي وَارْزُقْنِي

« Ô Allah, pardonne-moi, faire miséricorde moi, guide-moi, protège-moi et accorde-moi subsistance. »

Nous recite sa dua la dans namaz, entre deux sajda. Selmen, ena ban dimounes ki pa porte ene attention a sa dua la, on dirait ki zot lever depi sajda et zot meme pas p lire sa dua la. Huzoor (atba) dire ki li important ki nous lire sa dua la et ki nous reflechi lor so signification.

Huzur (atba) dire ki Hazrat Musleh Maoud (ra) ti pé adresse banne madame Ahmadi et finne dire ki sa c'est banne Compagnons madames a l'époque du Saint Prophete (saw) ki ti dans premier rang aux cotés de banne Compagnons missiers pou propage le message de l'Islam. Le monde islamique fiere de banne sacrifices ki zot finne faire et puisque zot revendiquer ki zot croire dans le Messie Promis (as), automatiquement, zot vinne ene reflection de sa banne Compagnons madames la du Saint Prophete (saw) la. Li finne aussi dire ki zot bizin constamment analyse zot même pou gueter si zot possède même passion, zèle et la lumière de sa banne madames la. Zot sacrifices ki zot finne faire ti ena tellement valeur dans Allah So regard ki Li finne permette zot accompli banne kitsoz ki banne lezot peuples finne prend plusieurs centaines d'années pou accompli. Et zot finne faire sa dans quelques l'années meme.

A propos l'amour du Saint Prophete (saw) envers bannes martyres de Uhud, Hazrat Mirza Bashir Ahmad (ra) dire ki : "Meme si pas finne lire namaz Janaza de bannes martyrs sa jour la, apres, dans bannes jours kot le Saint Prophete (saw) ti pres pou décéder, li finne faire ene namaz Janaza spécialement pou bannes martyrs de bataille Uhud. Et li finne faire dua avec buku la peine. Le Saint Prophete (saw) ti tout le temps rappel sa banne martyrs la, avec buku l'amour et respect.

Huzur (atba) finne dire nous bisin continuer faire duah pou banne ki encore emprisonné, spécialement pou sa madame Ahmadi - Sadr Lajna de Yemen - ki li ti déjà mentionner avant, afin ki Allah créer bannes moyens pou ki zotte libérer.

Huzur (atba) dire ki le Saint Prophete (saw) finne faire duah pou banne martyrs de bataille Uhud. Ene fois, kan li ti pé passe pré kot ene vié madame ki so garçon ti tombe en martyr, le Saint Prophete (saw) finne console li. Ensuite Nabi Kareem (saw) finne faire duah dans sa banne mots la : 'Accorde a banne famille de banne martyrs de Uhud banne excellent gardiens.' Sa c'était banne moments kot le Saint Prophete (saw) li même li ti bien attristé par le fait ki li finne perdi banne membres de so famille et li finne perdi so banne Compagnons, et ki li même li ti finne subir banne bléssures. Mais malgre sa, Rasouloullah (saw) ti porte ene l'attention spécial pou console et réconforte banne dimounes ki ti finne perdi zot famille.

En faite, ti ena ene lot veuve de ene martyr de Uhud pou ki le Saint Prophete (saw) ti faire duah dans sa façon la : 'Ki Allah accorde toi ene gardien encore plis meilleur ki to missié.' Sa c'est banne incidents ki finne arriver kan Nabi Kareem (saw) ti pé retourner dépi Madina, et sa démontrer banne bien hautes qualités morales ki le Saint Prophete (saw) ti posséder.


Huzur (atba) dire ki kan ine arrive ler Namaz Fajr, ene dimoune ine informe le Saint Prophète (saw) ki Abu Sufyan et so l'armée pe rode attaque Madinah et élimine l'Islam. Kan le Saint Prophète (saw) ine tende sa, li fine dire ki même si Safwaan pas ti trop intelligent, li ti ena raison concernant conseil ki li finne donne a Abu Sufyan. Le Saint Prophète (saw) ine dire ki si banne la pe vinne vers Madinah, be déjà ena bannes roches ki finne placer et pou envoie sa lor zotte, et sa pou faire ki l'armée Mecquois pou détruire complètement.

Huzur (atba) dire ki kan le Saint Prophete (saw) finne gagne nouvelle ki banne Mecquois finne faire plan pou retourner et attaque Madina, le Saint Prophete (saw) finne faire appel Hazrat Abu Bakr (ra) et Hazrat Umar (ra) pou informe zot ki pé arriver. Zot finne conseiller ki banne musulmans bizin alle vers l'ennemi afin ki banne zenfants de Madina reste sain et sauf. Nabi Kareem (saw) finne demande a Hazrat Bilal (ra) pou annoncer ki banne musulmans p alle confronte l'ennemi et ki zis banne ki finne prend part dans Bataille Uhud ki bizin participe dans sa bataille la.

Huzur (atba) dire ki le Saint Prophete (saw) finne demander ki amene so pavillion et li finne donne sa a Hazrat Ali (ra). Ena banne lezot récit ki dire ki li finne donne sa a Hazrat Abu Bakr (ra). Rasouloullah (saw) finne appoint Hazrat Ibn Umm Maktum (ra) kuma leader a Madina dans so l'absence.

Huzur (atba) dire ki le Saint Prophete (saw) li même ti encore pé souffert de plusieurs bléssures dans so visage, so zépaule et so genoux bénis mais même sa, li finne alle faire sa expédition la. Nabi Kareem (saw) finne faire 2 raka'at Nawafil dans masjid meme, lerala finne sorti. Ensuite, li finne monte lor so cheval et finne mette so armure de sorte ki zis so lizié ti visible. Kan Rasouloullah (saw) finne trouve Hazrat Talhah(ra), li finne demande li kot so armure eter. Hazrat Talhah (ra) ti ena plis ki 70 bléssures partout partout lor so le corps. Hazrat Talhah (ra) finne donc alle cherche so armure et lerala finne accompagne le prophète d'Allah (saw). Hazrat Talhah (ra) dire ki li ti plis préoccupé avec banne bléssures ki le Saint Prophete (saw) ti subir ki so banne propres bléssures et sa finne faire li blier ki li bizin mette so armure pou alle confronte l'ennemi.

**Nous encourage tous ban Lajna et Nasirat
pou suivre Khutba Jummah en direct lor ban
chaines de la MTA**



Click lor ban link en bas pou accéder directement

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

